

Norihan Binti Anah

From: Unit Komunikasi Korporat
Sent: Wednesday, December 13, 2017 9:50 AM
To: UUM - All Staff; UUM - All Students
Subject: Bangkitkan Kecintaan Kepada Nabi Muhammad SAW



Unit Komunikasi Korporat
CORPORATE COMMUNICATION UNIT
Universiti Utara Malaysia



13 DISEMBER 2017 / 24 RABIULAWAL 1439H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Abdul Halim Husain

BANGKITKAN KECINTAAN KEPADA NABI MUHAMMAD SAW



UUM ONLINE: *“Demi sesungguhnya adalah bagi kamu pada diri Rasulullah itu contoh teladan yang baik”* (Surah al-Ahzab ayat 21)

Menyelusuri akhlak Rasulullah yang terpuji seperti pemaaf, tidak menyimpan dendam, tidak menghina orang lain, menghormati yang tua, dan mengasihi yang muda serta kanak-kanak mendorong kehidupan manusia lebih aman dan harmoni.

Menurut Ustaz Wadi Annuar Ayub, tercatat dalam satu kisah ketika Rasulullah sedang berjalan bersama sahabat, seorang yahudi mencekak leher baginda sambil mengeluarkan kata kesat dan nista sehingga mengundang kemarahan Umar lalu menampar tangan lelaki yahudi itu.

“Namun Rasulullah melarang Umar dan melepaskan yahudi tersebut walaupun baginda tidak bersalah yang akhirnya menambat hati yahudi tersebut untuk mengucap syahadah.

“Baiknya Rasulullah sehingga Umar sendiri tidak faham dengan akhlak baginda maka menangislah Umar dengan akhlak Rasulullah yang maha terpuji,” luahnya pada Majlis Sambutan Maulidur Rasul Sallallahu Alaihi Wassallam Peringkat UUM 1439H/2017M bertemakan ‘Kesatuan Ummah Kesejahteraan Negara’ di Dewan Muadzam Shah, semalam.

Jelasnya, Rasulullah diutuskan untuk menyempurnakan akhlak yang mulia, sifat kemaafan nabi akhir zaman ini melebihi sifat kemurkaannya, membalas kejahatan dengan kebaikan.

“Cara membangkitkan kecintaan kepada nabi ialah dengan berdoa, *ya Allah kurniakan kepada ku kecintaan kepada nabi*, cinta adalah makhluk Allah maka latih makhluk Allah ini untuk mencintai Rasulullah, bisikkan, *wahai nafsu, wahai hati Rasulullah yang paling aku sayang*

“Kedua sentiasa amalkan sunah walaupun sedikit misalnya membaca al-Quran setiap hari walaupun sebaris ayat selain banyak membaca sirah nabi agar lebih mengenali baginda sekali gus dos kasih terhadap Rasulullah akan bertambah,”

Beliau menyeru umat Islam sentiasa mengingati keagungan Rasulullah yang sabar dan tabah menyeru manusia ke jalan Allah walaupun di Mekah pada ketika itu tidak ramai yang mendengar seruannya malah dihujani dengan cacian, kejian dan siksaan yang menyakiti batang tubuh baginda.

“Kita perlu menyelusuri akhlak Rasulullah kerana dengan perantara baginda, kita mengenali Allah dan menjadi mulia maka didiklah anak-anak untuk menyayangi Rasulullah,” pesannya pada majlis yang bergema dengan alunan zikir dan selawat. beliau turut menyambut baik usaha murni yang dilakukan oleh Pengurusan universiti yang menyokong aktiviti seumpama ini.

Sementara itu, Naib Canselor UUM, Prof. Dato’ Seri Dr. Mohamed Mustafa Ishak menyeru seluruh warga kampus agar menghayati sejarah kehidupan, perjuangan Rasulullah dan mencontohi akhlak baginda.

Kelahiran Nabi Muhammad SAW merupakan peristiwa penting dalam sejarah Islam kerana berlaku pada ketika semenanjung tanah Arab berada dalam zaman gelap, penuh dengan kekeliruan dan kejahilan.

Kelahiran Baginda telah membawa rahmat yang sangat besar apabila berjaya menanamkan akidah yang benar dan memperbaiki akhlak yang telah rosak dalam kalangan masyarakat awal Mekah.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
✉ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.